

Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
OPĆINSKI SUD U TRAVNIKU
Broj:51 0 Su 166329 19 Su
Travnik ,20.03.2020.godine

Na osnovu čl.31. Zakona o sudovima u Federaciji Bosne i Hercegovine(„Službene novine FBiH br. 38/05, 22/06, 63/10, 72/10, 7/13 i 52/14“) i člana 8. tačka z.) Pravilnika o unutrašnjem sudskom poslovanju („Službeni glasnik“BiH, broj 66/12;40/14; 54/17;60/17 i 30/18) , prijedloga Ministarstva zdravstva i socijalne politike SBK broj.03-33-03/20-5 od 03.03.2020.godine i od 17.03.2020.g.,te naredbe Kriznog štaba Federalnog ministarstva zdravstva broj:01-33-1426/20 od 11.03.2020.godine,19.03.2020.godine i Preporuka VSTV BIH ,broj:08-02-2-1020-1/2020 od 15.03.2020.godine,broj:10-11-7-324-11/20 od 16.03.2020.godine ,predsjednik Općinskog suda u Travniku d o n o s i:

INSTRUKCIJU

o ograničavanju kretanja uposlenika suda u vremenu pauza i vremenu van rada

I

U cilju poduzimanja preventivnih mjera ,i sprovođenja preporuka Kriznih štabova Federalnog ministarstva zdravstva i Ministarstva zdravstva i socijalne politike SBK, preporuka VSTV BIH,predsjednik suda donosi Instrukciju o ograničavanju kretanja uposlenika suda u vremenu pauza i vremenu van rada.

II

Svim uposlenicima suda se preporučuje da kretanje i kontakte sa drugim licima, u vrijeme pauze i po izlasku iz zgrade suda po završetku rada, svedu na najmanju moguću mjeru.

III

Potrebno je strogo se pridržavati svih zabrana koje izdaju Krizni štabovi i civilna zaštita,kao što je zabrana da se u vozilu ne voze više od dva lica.
U redovima u bankama , drugim institucijama , elektroprivredi, pošti, telekomu ,apotekama i ostalim ustanovama koje pružaju usluge građanima ,potrebno je držati odstojanje i udaljenost od drugih lica. Izbjegavati nabavku namirnica u većim trgovačkim centrima, usmjeriti se na manje trgovine. Izbjegavati ulaske u trgovačke centre,bez obzira na to što u istim rade samo samousluge i apoteke. Koristiti zaštitne maske (očekuje se isporuka za sud u većoj količini) i rukavice u svim prilikama kada ste na radnom mjestu i van zgrade suda,prilikom odlaska na bankomate u trgovine i sl.

IV

Ranije je izdata Naredba za zabranu putovanja van zemlje, a sada se preporučuje da se putovanja ograniče i van mjesta stanovanja,osim za neophodne poslove.

IV

Instrukcije stupaju na snagu danom donošenja.

DOSTAVLJENO:
-svim uposlenicima

Predsjednik suda,
Goran Dujić